

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-226/13
Vareš, 31.07. 2013. godine

Na osnovu člana 11., 12 i 14. Zakona o mladima Federacije Bosne i Hercegovine („Službene novine FBiH“ broj: 36/10), člana 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06), člana 22. Statuta Općine Vareš - Prečišćeni tekst, broj: 01-162/12 od 11. 09. 2012. godine Općinsko vijeće Vareš, na 10. sjednici održanoj 31.07.2013. godine, d o n o s i

ODLUKU
o usvajanju Strategije prema mladima općine Vareš
za period juni 2013. – juni 2016. godine

Član 1.

Usvaja se Strategija prema mladima općine Vareš za period juni 2013. – juni 2016. godine, koja čini sastavni dio ove Odluke.

Član 2.

Za provođenje ove Odluke zadužuje se Općinski načelnik i Služba za društvene djelatnosti i boračko – invalidsku zaštitu. Općinski načelnik će jedanput godišnje u prvom kvartalu, podnositi Izvještaj Općinskom vijeću o provođenju Strategije.

Član 3.

Odluka stupa na snagu osmog dana od dana objavljivanja na oglasnoj tabli Općine Vareš.

PREDSJEDAVAJUĆI
OPĆINSKOG VIJEĆA

Zdravko Marošević

Odluka objavljena na oglasnoj tabli općine Vareš, dana 01.08. 2013. godine.

OPĆINSKI NAČELNIK

Kovačević Avdiya dipl. pravnik

adresa: Zvijezda 34, 71330 Vareš
tel: 00387 32 848 100
fax: 00387 32 848 150

depozitni broj: 3380002210017420
web: www.vares.info
e-mail: vares@bih.net.ba



O b r a z l o ž e n j e

1. Pravni osnov

Pravni osnov za donošenje Strategije prema mladima sadržan je u članu 11., 12 i 14, Zakona o mladima Federacije Bosne i Hercegovine („Službene novine FBiH“ broj: 36/10), članu 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06), i u članu 22. Statuta Općine Vareš - Prečišćeni tekst, broj: 01-162/12 od 11. 09. 2012. godine

2. Razlog za donošenje

Općinsko vijeće Vareš dalo je punu podršku realizaciji ovog projekta formiranjem Komisije za mlade, koja će kroz inicijative koje će promovisati ulogu mladih osoba kao aktivnih subjekata putem dijaloga sa institucijama na lokalnom nivou, te time doći lakše do ostvarivanja ključnog cilja, a to je poboljšanje položaja mladih na lokalnom nivou. Neophodno je da Komisija za mlade zajedno sa referentom za mlade vrši monitoring te donosi na vrijeme prijedloge i zaključke, i iste upućuje organima vlasti Općine Vareš u daljnji postupak.

Kako je dokument Omladinska politika za period 2008–2010 istekao, a Zakonom o mladima FBiH članom 12. je definisana obaveza svih nivoa vlasti da donesu dokument „Strategija prema mladima“, pristupilo se izradi istog. Ovakav akt je utvrđen i u Programu rada Općinskog vijeća Vareš za 2013. godinu, broj: 01-222/12 od 27. 12. 2012., kao i u Programu rada Općinskog načelnika.

3. Finansijska sredstva

Za realizaciju i rješavanje problema definisanih ovim dokumentom finansijska sredstva će biti predviđena operativnim planovima i programima za svaku kalendarsku godinu, a pri izradi Nacrta Budžeta za period 2013–2016 godina.

**PREDLAGAČ:
OPĆINSKI NAČELNIK**

Kovačević Avdija, dipl. pravnik